


A Monthly Christian Magazine

AN ORGAN OF THE ZOU PRESBYTERIAN CHURCH SYNOD

Christian Tangkou

Vol. 54 || No. 11

November, 2018



Editor: Rev. Stephen Chinzathang

Synod Kumpuon: **“Pasian thuguh kem”** (I Korin 4:1)

Khristian Tangkou

Vol. No. 54 || Issue No. 11 || November, 2018

Editorial Board

Editor	: Rev. Stephen Chinzathang - 9863042789 ct_stephen@yahoo.com
Joint Editor	: Rev. Khamchinkhai - 8730933744
Cir. Manager	: Upa Jamsianmung - 9862086615 sianmung@rediffmail.com
Bus. Manager	: Upa Kamgenpau - 8974612937 Shie T. Ginzahau - 8974438842
Cont. Editors	: Upa Khupsuankham - 9856406454 Rev. Awnkhankhup - 9862828921 Rev. Dr. Hangpi Maunlun - 9862910875 Rev. Kaimuanlal - 9862923960

ZOU SYNOD ULIENTE

- **Moderator:**
Rev. Awnkhankhup
- **Moderator Elect:**
Rev. Dr. Hangpi Maunlun
- **Secretary (Sr):**
Upa Er. Thangchinmang
- **Secretary (Jr):**
Upa Liensuonkap
- **Treasurer:**
Upa Chinsuanthang
- **Statistician:**
Upa Khaihenthang
- **Executive Secretaries:**
Rev. Stephen Chinzathang
Rev. Khamchinkhai

A sung thu

- Editorial..... 01
- Thu tuomtuom & Thumpi ding..... 03
- Talawm lawm i minte uh 06
- Ngolvei Innkuon 09
- Khutzungte tanchin..... 14
- Khanglaite Jesu Khriust a dingin....17
- Seminar Reports..... 22
- Jesu Khrist koi hi e? 23
- ZPWF Cumlumn 24

Copies - 1200

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



Editorial

LEMNA MANGPA CHIBAI

Mangpa Jesu Khrist Hundampa min in na bawn un Christmas leh Kum tha chibai hoitah ka hing buh hi.

Tulai ei Lamka Khawpi a tengte leh ginna zal a u-leh-nau, suopi, sanggam te na umna chiet ua Mangpa Jesu Khrist hing pienna hunte Pasion pahtawina hunhoi tahte izah thei chiet ding uh kang deisah hi.

Tulai khovel hui laan dante ahoi non sih a zong thu leh laa, thuhoi, thuhoilou, sa-leh-gaal kituolou na leh kimudana thute tampi tah a hing pung hulhul ta hi. Tua ahilai in Lemna Mangpa nang leh kei in a manpha theipen a ilungsimte ua i zintun uh a poimaw ta ahi.

Khristian te a ding a hun poimaw pen leh a neu alien in kum teng a ingah la uh hun pen ang tung kia ding ahita tami hun pen nang leh na innkuonte a ding in Mangpa Jesu Khrist na zintun na ding a apoimaw pen ahi.

Mangpa Jesu Khrist pienna ding in nang ah bang a kism ei, tulai hunte i et leh kum huoiham leh hun zousie kinaw/kibichil hun ang suohta hi. Tua mabang in zong Juda gam ah Mangpa Jesu hing pien ding lai in hun pen ana kinaw mama hi. Jawlnei te thupuong sawtpilai a ana um ahita, tua Jawlnei te hun lai inn zong Juda gam ana buoi hi. Juda ten Mangpa thupitah khat ang pien a amauhte Rome Kumpipa khut nuoi a pat suotatna amu dinguh akinem uhi.

Ahin Mangpa Jesu Khrist ang pien ding pen tahsa suotatna bang in Pasian toh mihing mangthai ki zopkia na ahizaw hi. Mihing mangthaisa Hagau a Pasian ta hina nei nonlou toh kizop kiana ding a Mangpa Pasian ei a ding a hing pieng ahi.

Van leh lei siem Pa Pasian in Noah te innkuon toh kizopna ahing neisah nalai a tua Pasian toh ikizopna uh leh Pa Pasian kung a eite a ding a kizopna hing bawlsah khu Mangpa Jesu ahi. Tuaziehin Khristmas kichi hi Mangpa Jesu na lel kei a ding in Hundampa in ahing pieng hi. Tua Hundampa hingpienna pen ei ten(Jn. 3:16) na a “Pasian in khovel a it sengseng a tuachin a Tapa tangkhat neisun apie hi. Koipou ana gingta in amanthai lou a kumtawn hinna anei zawhna dingin” achi mabang in eite hamphatna leh Pasian a ding a ahing kipumpiehna asuoh tahi. Tami kipumpiehna pen khovel ah adang aum sih hi; zong a umkia non sih ding a tualeh midang khat kipumpiehna toh zong kibang lou ahi. Tuaziehin ei gingtute a ding in Khristmas khu ni poimaw pen ahing suoh tahi.

Tami hunte pen tulai khotaang leh gamnu gampa ten zong hing na tuom koisah in Government te ah zong sutu a kinei hi. Tua ahi lai in eite amanpha tah a zang ding ten zatna tuomtuom in izang uh a lawching lou leh a buoihuoi lam a zang zong a kitamta hi. Tam buoina thei a zang pawl zong a um thei a tam tan Mangpa Jesu hing pienna pen atah a theinai lou te ahiding uhi.

Ei Khristian ten ahi leh sil hoi bawlina a zat ding ahi. Man tam tah a annkuong a kiluina in Khrist Mangpa pienni thupina asulang ahi tuami khellam a silhoi bawlina a bihtah in tanchinpha munailou te, Khantanhoi a zanailoute Meithai taga zu leh sa a kibuol a saltangte suohtatna in Pasian in ahing guoljawlna ahing pieh sum leh neitahte tungtawn in thupi tahin Mangpa i pethei kia uhi, tuate koite ata diei? Bible nei loute Bible hawm a Pasian thu nasimtheina ding uh, Zungolvei, Khamthei saltangte kung a suotatna amu theina ding ua Pasian itna silpieh piehthei ahi. Lamka khopi a mi tamtahte zong Rehabilitation (Kisiemphatna in) te a tang a tualeh Orphange Taga

kepna te in zong atam hi tuate a zong Mangpa Jesu itna i va sulang theizing uhi.

Tulai Khristian te amasa ding pen ibawl tahlou zieh un Hattuum zong a gammang sieng tahi. Mary kung a Mangpa Vansawlsieng ahing kilat lai in Mary in kingainiem tah in Pasion aw pen ana pom a zong azui pai a thumangtah in Mangpa deilam ahing bawl hi (Luk 1:28-38) Tuazieh in tukum Khristmas a manpha leh Mangpa

thuzilna in zah hoisawm chiet va ui. Tuazieh in Khristian Tangkou simtu zousie ten Mangpa pienni Khristmas khu a manpha pen a Hattuum leh mimal a zahchiet sawm vai.

Mangpa'n simtu zousie Khristmas hun zatnop hing peta hen len tualeh 2019 kumtha chibai na bawn un kumtha in hun hoi leh Pasion guoljawlna hoi hingpeta hen.

Mangpa'n thupina tangta hen.

.....

Thu tuomtuom leh Thumpi dingte



01. Pasion hoina leh kepbitna toh kumbul apat kumtawptan kinepna lienpi toh hing pui galkaitu Mangpa min phatkawm in Ama thupina ipe masa uhi. Tuamai hilou in ipawlpi (THU KIZAHTUONA) KHRISTIAN TANGKOU deithaw huoitah mai hing deisajtute leh Sermon hoitah tah hing gelpieh tute leh Agentte kung ah pawlpi min in lungdamthu igen uhi.

- 02. Evan. Kamchinthang Pension pieh hita:** Pasion hoina leh mapuina toh kum 60 sung vingveng Zou Synod huong sunga Pasion nna gin umtah a ana sem Evan. Kamchinthang s/o Phamsa Pu Pumkhosoi apeisa 10th November 2018 niin Synod Head Office Jubilee Hall ah pension pieh in umta. Asepsa hun peisate ziehin THUPINA Mangpa ipie ua, Amaban khosahna ding ama leh a innsung mite a din thumsah vaui.
- 03. Kipahna Khristmas:** Kum leh ha te peiliem zel in kholum, khovot hun, damthei hun dammaw hun guozut daikai hunte Pasion hoina toh pal galkai in kumkhat a ikinepna uh KHRISTMAS ipawlp i huop a Hattuum chin in tahsa Hagau a amanpha theipen leh alohtheipen a zang chiet ding inn kisa khol chiet vaui.
- 04. Gingtha khat kibelap:** Apeisa October 28, 2018 (Sunday) niin i Synod etkawl na nuoi a PASPATI MISSION FIELD ah gingtha khat kibelap hi. Ama ahileh ARUN ALE kum 18 mi ahi. Ama Rev. Khamchinkhai i/c Mission in Baptisma zong tangsah hi. Ama hinkhuo leh a lampei ding dante Hattuum leh mimal chin in thumsah vaui.
- 05. Zou Synod khawmpi Amun kisuonta:** Zou Synod a 15 vei Session Khawmpi New Zoveng a um ding chi hinan leh ahoizaw ding leh alemchang zaw deina toh Synod Office Bearer meetingin Presbyterian Church Lailam Veng ah suon in umta. Ahun leh kizahdan tangpite bangma kiheng lamdang lou ding hi. Thumna toh bawzui chiet va ui.
- 06. Pasion hoina leh mapuina toh** Presbytery chin Session khawmpi lohtah leh khela pumpum in kizang zouta. Thupina Mangpa'n tangta hen...! Pasion hagau pawlna toh Biehinn dawlla zen in kipum dim hi. Presbyteries thaneina toh Upa Ordainte tam anei a bang ahi.

01. Manipur Gam Presbytery: A 63 vei Session in ordain apiehte:

Ahunsung 2-4, Nov. 2018

1. Upa Kaizathang	Central Church	Central District	MGP
2. Upa Ginzapau	Aina	Central District	MGP
3. Upa Dousuonhang	Central Church	Central District	MGP
4. Upa Khamzalam	New Zoveng	Lentang District	MGP
5. Upa M. Lienminthong	Awnchinkapkhua	Central District	MGP
6. Upa Zamkothawng	Aina	Central District	MGP
7. Upa Khamlienmang	New Zoveng	Lentang District	MGP
8. Upa Thangkhanhang	Tuibuang	Lentang District	MGP
9. Upa Nangdoulien	Thingkangphai	Lamka District	MGP
10. Upa Nehkholam	Moreh-II	Imphal District	MGP

Re-instate

11. Upa Dongzathang	T.Tangnuom	Central District	MGP
---------------------	------------	------------------	-----

Declared

12. Upa Sinkhopau	Hiengdung	Lamka District	MGP
13. Upa Goukhanthang	Zomi Bethel	Lamka District	MGP

02. Manipur Eastern Presbytery: A 50 veina Session in ordain apiehte:

1. Upa Kaplienlal	T. Munnuom	Gunpang District	MEP
2. Upa Pausienlien	P. Salem	Suolam District	MEP
3. Upa Sienpiehthang	Sugnu	Suolam District	MEP

02. Zotaang Presbytery A 11 veina Session in ordain apiehte:

1. Upa Khamzakam	Maukot	Singngat District	ZTP
2. Upa Khamkhanthang	Suohzahau	Singngat District	ZTP
3. Upa Thangneipau	Hiangtam	Tuivai District	ZTP

* Amaban khosahna ding uleh amau Hattuum ua etkawlna nna ang sepna dingte uh thumpi zing vaui. A inn sung mite adin zong ana thum zing vaui.

07. ZPYF 62nd Bienial Conference: Pasian hoina leh mapuina muongkawm in ahingtung ding January 17-20, 2019 chieng in Presbyterian Church Behiang khopi ah Zou Presbyterian Youth Fellowship (ZPYF) a 62 vei General Conference um ding hi! Khawmpi lawchin theina ding in thu leh laa, Games & Sports unit chin leh District lieng ah peitou lallel hi. Nang leh ken zong alawchinna ding in inichin thumna toh manghil lou in pang chiet vaui.

08. PYF Youth Camp Report: Dated 9-11, Nov. 2018 sung in PCI lienga “PYF Youth Camp” Presbyterian Church RAMHLUN NORTH AIZAWL ah kizang hi. ZPYF apat in Rev. Kaimuonlal (Leader) Tv. Thangneilal (Youth Co-Ordinator) Sye Suonnou leh James kapmangte vatel thei uhi. Tualeh Tv. Thangneilal Youth Co-Ordinator (ZPYF) in Bible reading and Prayer vazang in, damtah in hing tungkia uhi.

.....

17TH PWF BIENNIAL CONFERENCE REPORT

Apeisa October 25-26, 2018 sung in Presbyterian Church of India, Presbyterian Women Fellowship a 17veina Biennial Conference Mawlyngkhung Presbyterian Church, Ribhoi Synod ah akinei a, Session hun a palai mi 521 akipang ban ah khawmpi mang mi asang a sim kipa in, thugentute apat khawmpi thupi ei Zou Synod PWF in atel ***“Na Sepgimna uh Mangpa ah amawhna ahisih” I Korinth 15:58*** chi pansan in Pasian thutah ngaikhietna kinei a, tuahun ah ei Zou Synod PWF apat palai mi 24 ava kihaw thei hi. Khawmpi hun ah Nu Mankhanngai Assistant Secretary ZPWF maban 2018-2020 sung PWF Assistant Secretary ding a telching in a um a, tuaban ah Nu Vahkhohling zong 18th PWF Biennial Conference chienga khawmpi thupi gen ding a guon in aum hi. Tuaban ah 2018-2020 sung PWF Standing Committee member ding in Nu Veineilam leh Nu Chinghoinuam te guon in aum ua, Nomination Committee menber dinga Nu Vahkhohling guon a um in Pasian mapuina toh khawmpi lawchingtah manzaw ahi.

Kipah ing,

Report petu;

Nh. Suanneiching

Secretary for Womens’s Relations

ZPWF

HING PIENG DING JESU: LEMNA KUMPIPA TUNGTAWN IN LEITUNG AH LEMTHU LENGTA HEN

- Rev. Dr. Hangpi Manlun

1. Thupatna: Awle u-leh-nau, lawm-le-guol leh nu-leh-pate aw Pa Pasian mapuina leh venbitna jieh a, tukum Khristmas melmu thei ding a iumtah man in Pasian min iphat masa uhi. Tutung in ithupi ding un, ‘Jesu pien lai a Vansawlsienge kung a van mipite lasah Tungnung pen ah Pasian thupi henlen, leitung a akipahpi mihingte lah ah, lemthu lengta hen’ (Luk 2:14) chi tungtawn in ikikum ding uhi. Tualeh lemna, muonna leh hamuonna chi khu greek ham in ‘eirene’ achi uhi. Thuhun tha ah 100-veibang atuong hi. Tuabanah lemna khu Pasian hina leh mizie ahia, ajiehpén, ‘lemna Pasian’ ahijiehin ahi (Rom 15:33; Philippi 4:9). Tualeh ingahla mama uleh apienni ilawp uh Jesu jong lemna Mangpa (Prince of peace), ahi.

Tuaban ah, leitung ah lemna leh muonna aumtheina ding in, UNO bang na kiphutin, theitawp suo in lemna leh muonna umtheina ding in pan anala uhi. Ahin leitung ah lemna leh muonna tahtah aumthei sih hi. President Jackson in, “Igam in lemna adei a, mipiten jong idei chiet ua, isolkar in jong adei a, na president-pu un jong kadei a, thamlouin imelma/galte nasan un jong adei a, bang ding a, lemna deichiet kilem suhmai ding hinapi, hinanleh ikilemthei sih uhi” achia agen dih mama hi.

Tualeh leitung ah lemthu lengta hen chi khu bang chi chiengin alawchingta diei le? Galvan a kisiem tam deudeu a, lemthu sangin kileplou thu khu aleng deudeu a, kileplou khu ikilepna uh hileh akilawm va-ia hi. Awleh, lemna ipoimawna uh tuomtuomte isuiding uhi:

2. Eima-leh-eima ikilem masa ding uhi. Awle amasapen in eima-leh-eima ikilem masa ding uhi. Khawvel a mijau huoipente ahileh ama-leh-ama kilemtheilou,

tantawh a lungkimthei lou leh kingaisiete ahi uhi. Amauten mailam ah lam-etna ding aneilou jiehun, kingaisie in ama-leh-ama a kithat ngam uhi. Tuaziehin, eima-leh-eima kilem theina ding un ilungtang sung ah lemna kumpipa (Jesu) piengsah va-ui,

3. I nupa kal ah lemthu lengta hen. Tulai nu-leh-pa tamtahte khu ikingailai un, kilungsiet sengseng kisa in “love is blind” itna a mittaw chin imizie leh ihinate jong kitheiman lou jen in ikiteng paipai uhi. Ahin ikitentah chieng un itna mittaw khu hing hah kelkulin, ka gintat na bang sih chite in ikinua hauthei leng uhi. Akhente ngel lah ikingai lai un kilungsiet sengseng kisa a, nu-leh-pa leh hattuom dan nangawn ngahlou jen a kigupawl jong itam uhi. Tulai ji-leh-pasal kikal a kilemlouna umsahute khu, thangsietna jiehthe, kiginlelna jiehthe, tanding bang kipiehlouna jiehthe, sum-leh-pai jiehthe, leh adangdang jiehthe in nupa kal ah kilemlouna apieng nuom mama hi. Tambang nupa hinkhuo nuom loutah a jang mite kung ah lemthu lengta hen chia van angelte lasah khu atahtah in hing tangtungta

hen aw.

4. Innkuon sung ah lemthu lengta hen. Tulai Khristian innkuon tampite khu melmapa setan nnasep jieh a kituohlou tamtah jong iumthei uhi. Akhente kituohlouna jiehthe khamthei drugs, sum-leh-pai, zu-leh-sate ban ah teh-leh-mou kituohlou, pa leh ta kituohlou chite in ipumdimta uhi. Tambang a hamsatna tuoh innkuonte kung ah Mangpan lemthu lengta hen ang chi hi. Tuaziehin, Khristian innkuon kichite Jesu hing pienni khu bangchin ilawm ding uoi le?

5. Innsah, innhangte kikal ah lemthu lengta hen. Tulai innte kinai deudeu ahin ilungsimte uh akigamla deudeu abangta hi. Tuaban ah, duamna leh mani masielnate jieh in innsah innhangte mun-leh-muol kitu in kituohlouna hinkhuo ah ilutta uhi. Akhente ngelin lah innkim innpamte mun-leh-muolte lahsah lah abeisihi. Adiehin, Lamka khopi ah ihawhtuite un jong aluonna ding nangawn theilou khop iumta uhi. Ahin, upaten, migam kehsahute khu a luong uh tatna ding tan a kehchieng

un aluong un asap (ashilaw uh) akichi hi. Thupilin, “Na unau na pienpi mun gamla tah aum sang in na inn geite khu nang ading a na sanggamte ahi” achi hi. Agen dih mama hi, nop leh da tuoh talei jong iunau mun gamlapi aumte sang in i innsah innhangte khu eite hing delmasa pen dingte uh ahi. Tuaziehin, nidanglai ipi, iputen innsah innhangte toh kituohlou sangin khuo sagi dou ding ateljaw uhi. Tualeh Bible in min natung a abawlding na dei bang uh mitung ah bawl un achilai in, eiten eitung a min ang bawl ding ideiloute uh mitung ah ibawlsawm leng uhi. (Mathiu 7;12).

6. Hattuum sung ah lemthu lengta hen. Awle, hattuum khu Mangpa Jesun a sisan manpha toh ang leisa leh ang tundingte ihi uhi. Tuaziehin, tahsa a kipawlkhawmna maimai ahisih a, hagau lam kipawlkhawmna mun ahilam imanghil sih ding uhi. Tuabanah, hattuum khat a umte khu akituohpente kihilouin, akituohlou teng umkhawm hilei akilawmta hi. Ajieh ahileh ikituohdan uh toh et in. Adiehin kum 2000 tunglam ah koi

hattuum chin teng ah kikhenna leh kituohlouna ang ha um mama hi. Melmapa setan ngei in jong hattuum chinteng kituohtah a Manggam nna isepding uh a thangsie ahingei ding a, hattuum lien leh neute lah ah jong kituohlouna ang nasa mama hi.

Tualeh hattuum sung a ikituohlouna jiehte uh ahileh, lamkai kituna jiehte, mani thulou thusahlounate, be-leh-phung a kihuoit uomnate, lawm-leh-guol akihuoit uomnate, leh adangdangte jiehe ahinuom mama hi. Tambang a suol nnasepnate tawpsan in ihattuum sungte uah lemna leh muonna hing tungta hen.

7. I khotaang leh igam vaihawmnate ah lemthu lengta hen. Tulai ikhotang leh igam vaihawmnate ah nasatahin kituohlouna a nasa mama hi. Tuabanah, itenna gam ah lemna leh muonna nasatahin ipoimaw uhi. Tuaban ah, eite khu kawlleh-vaite bang in chi-leh-nam kikhenna nei sih nanlei jong mihausa leh ajawngte kikal ah nasatahin kidaidan na alien deudeu hi. Tualeh isum suina ua

itenate/buhnate uh adih tahtah nai? Bible in “Tena dihloou khu Mangpa mitmu in sil kidah huai tah ahi a, adih khu akipahpi hi” achi hi.(Proverb 11:11). Tualeh migentheite satan leh neh dingte jong a tang ding a kilawmtan atang na uai le?. Tuabanah, vaihawmtute, milien milal leh thuneite khun ivaihawmnate uah thudih thutah toh ivaihawm na uoi le? I Bible in “Vaihawmna dih lui bang in luongta hen, dihna khu luipi kang ngailou bang in luongta hen” (Amos 5:24) achi khu igam tahsap khat hileh akilawmta hi.

8. Atawpna ding in lemna leh muonna igam ua atuntheina ding in pan ilachiet ding uhi. Awle, atomkim in genta lei i innsungte uh, ikhotang uh i politicte uh ichidam tahtah sih a, asudamtheipa ikuultah jet un ipoimaw chiet uhi. Igensa bang un igam ua lemna-leh-muonna umtheina dingin koi e Israelte

leh Pasian kikal a palai nna sem Abraham bang igam in ipoimaw tahzet hi. Tualeh Scotland gam a halthana tunna ding a, John Knox in, “Mangpa Scotland gam hing pie in, ahisih leh ka hinna la in” chia a thum bang a thum mi ikul un ipoimaw uhi.

Tualeh Mangpa Jesu amutahtahte khun mite toh akilem ding uhi. Azieh ahileh Mangpa Jesu sung ah lemna leh muonna bukim aum hi. I Bible uah Pilat leh Herodte khu Jesu mansah ding a, akipieh tuohtuoh na lam uah atawpin ang kihoutheita mawh uhi. (Luk 23:12). Alamdang mama khat ahileh amaute gel apientha thu uh imusih ua, ahin Jesu lemna kumpipa akipiehtuo tuona lam uah ang kihoutheita mawh uhi. Tuazehin, tutung in Mangpa Jesu hing pienna ding ilopna uah eite zong kilem in kituohtah a um sawm va-ui.

Mangpa’n simtu zousie hing guoljawlta hen.

DAN LEH JESU

Mathai 5:17

- Upa Suankhanmang

“Dan thu leh Guolneite thu sumang ding a hingpei ahi chin hing ngaisut sih un, asumang ding a hingpei kahi sih a, asutang tung ding ahingpei kahizaw hi”

I Mangpa Jesu in Dan leh Guolneite thu sumang ding a hingpei ahilou dan leh asubukim ding a hing pei ahi zaw agen hi. Lei leh van a man masang sie in dan thu apat sutvom neunou khat ahiei? Thaivom neunou khat zong amang sih ding hi achi a, tualeh Rabbite in “khovel a sil umzousie in tawp hun anei ding a, ama bou tawp hun neilou ding silkhat aum hi tua khu Dan ahi, achi uhi.

Khovel damlai ni a mihingte ding a kul leh poimaw khu Dan dungzui a hinkhuo man ding chipen nielguollou a thudih ahi, Angsiempa Pasian hingpieh Mosi dante, mihing a hing siempa Pasian in Tawndan, chindan ahing piehte, kipawlkhawmna tuomtuom a dante chingkamtaha zatatna nei mite khu “SAKHAWMITNA anei uhi. Etsahna in, Laisiengthou a” Kolnelia, Tangval mihausapa leh a dangte apan in imu thei in

ithei uhi. Dan in Pasian deidan a mihingte in hinkhuo mang ding in Naunou kep in ahing kem a, Tuachin Dan in Pasian deidan ang mu chiensah a Dan in Pasian deidan alangtang in atahlang hi. Ajiehpen dan bangloutah a i umkhah hun ah khiel kahi chi in ingaituona sunggil ah siemmaw ikitan uhi. Tua khu khelna bang ahiei chi sulangtu khu Dan ahia, Dan pen Pasian deidan giltah kawhmutu ahi hi. P.C.I Thuginpi guhna ah “Hagau siengthou Pa leh Tapa a hing kipan khu’n mihingte hundamna tang ding in asiem a, atawnkhelnate leh adinmun uh jau ahuoidan, kithei chiensah hi. Khrist khu Mang leh Hundampa a pom ding in apui in athunun a, tuachin dihtatna lam ah ganei dingin ama uh alamkai hi.

I thuginpi in mihingte hundamna tang ding a apiena ah “Mihingte

ATAWNKHELNA tuabang a DAN in apui thei a akithunun joute Pentecost ni a silbawltheina nei Hagau siengthou in imapui in Hamsie dong Singlamte ah Pasian thuguh I Mangpa Jesu Khrist jieh in Pasian mai ah siemtanna imujel uhi. I Mangpa Jesu Khrist in Dan tambang a asuhbukimtah jieh in Pasian in lei leh Van a thuneina jou pieh leh kusah ahita. I Mangpa Jesu in kithoina dante, Ama ngel khu Mizousie damtheina ding a asi leh Asa khel ngaidamna ding a singlamte tung a kithoina a ahing shina in asubukimta a, Tep tan a chiemtena pen Baptisma a chiemtena in asubukimta a, Mosi dante itna in ahing subukimta

a, siempu hina pen singlamte silbawltheina zieh in michin siempu hitheina in asubukimta hi.

Tuaziehin I Mangpa Jesu in lei leh van aman masang sie in, DAN thu a pan in sutvom neunou khat ama! thaivom neunou khat zong amang sih ding hi achi bang in amangel Jesu Khrist khu Dan SUBUKIMTU ahing hita hi. Tuajieh in ei Pasian thu awite in DAN ichite ijatat a, idamsung a DAN dungjui a nopni/dani a umjie neitah a gamtatna pen SAKHOMITNA ahing hita hi. Tuajieh in Khristian khuoljin ihi sung in DANTE palsie, se lou a, chingkam ding khu Dan leh Pasian in mihingte tung a aphut leh anget zing ahi. Amen.

INDIA GAM PRESBYTERIAN HATTUOM EMBLEM UMZIE GENCHETNA

By:- Upa Langkhanmang
Presbyterian Church, Tuining

Amasa'n Khristian Tangkou simtu zousie kung ah I Hundampa Jesu Khrista min in itna chibai kang lan masa hi.

Atung a thupi bang in i Hattuum in Emblem i nei ukhu bang etsah ahi chi mimal leh Hattuum chin jaha genchieng theilou ihi jiehin theisiem chiet dinga ki deisahna jiehin Tangkou tungtawn in kang hawmzah

a, i Emblem in a etsah leh a gennop pen thei chiet ngei deihuoi isa mama hi. Simtute'n tahsa leh Hagau lama umzie nei ahidan theisiem chiet a, i phattuompi chiet dingin i dei hi.

Aneia LOGO pi etsahnate genchetna

A: Design

Circle (Akuol) The Church's oneness in Christ and to promote unity (Khrista sunga Hattuum sapumkhat hina leh kithutuohna suhhatna).

Three Petals (Pah pal thumte) Belief in the Triune God (Pasian khata mihing thum, Pa, Tapa, Hagau siengthou gintatna)

Open Bible: (Bible Phensa) The word of God as the infallible rule of faith and duty for all. (Mi tengteng a dinga Pasian Thu khiel theilou, ginna leh anasep dan)

Dove: Vakhu: The Holy Spirit who inspires the Word of God and is also a symbol of the continuing life-activating power among the believers. (Hagau siengthou Pasian thu huhkhumtu, tualeh, gingtute laha hin tawplou suhphuol silbawltheina)

Light: (Vaah): The light of life from God (Pasian a kipat Hinna Vaah)

Sea (Tuisuogiet): Signifies the Church is living in a turbulent World (Leitung buoi vengvung sunga Hattuum Hing (Living) theisahna)

B: Colour

1. Gold (Dangkaeng) : The Glory of the Church (Hattuum loupina)
2. Red (Asan): The Blood of Christ for the Salvation of human kind (Mihingte tatkhiehna Khrista sisan)
3. Blue (Aeng): Clamness and comfort in the midst of a turbulent world (Leitungbuoi vengvung lailunga daina leh Hamuonna)

.....

KHRISTMAS CHIBAI KANG BUH HI

Johan 3:16

- Upa Khupsuankham

Sapgam ah Khristmas kuon chiieng in deisahna silpieh kipiehtuona khu a ngaisang mama ua, Sapgam ahivang in migenthei, taga-meithai leh liengvai silpieh ding lei zoulou zong ana um veve hi. Pasian in Khristmas silpieh thupipen ama tapa hilhiel ittluou a eite ang pieh jieh a Khristmas hing tung theigiep ahidan leh Khristmas umzie dihtah tamlou gen vai.

Innsung khat ah pa khat in aneh ding uh atah ding uh hasatah a sutuo vevaw in atanu itt tah toh gilkiel leh anngawl a um liengvai lou in ahinghamham uhi. Mite Khristmas kuon a deisahna silpieh aki piehtuo sausau lai in aman pieh ding van aleizou sih hi. Tualeh atanu in zong a pa lungsiet mama hinapi in apa a pieh ding bangma aleizou sih a, pelou a um ding lah a ngaisiem thei sih a, Bata company a mangai kengdap tuomna (Cover) hawm khat ala a, apa laipoun (Paper) koite toh naldeu in atuom a, apa laipoun koite azah jiehin apa a lungthah a atanu phawh ki-chiin a phawhta hi. Innsung a sum leh pai neh ding tahding leina ding chi loungal neilou ahijiehin ka tanu in tami silpieh khu heisung a alah e chin ahankhum nalai

hi. Khristmas jingkal kikhop in Biehin ah atanu in silpieh bawm hoitah khu hing tawi in pa aw! Kang lungsiet sengman in ka nei sunsun a sung ah kangthun chin a atami silpieh bawm khu kang pieh ahi hi”, chiin apa apie a, tuabep in apa in atanu in apa laipoun koite a silpieh bawm tuomna a azah a alungthah nate khu akisiata mama hi.

Apa in kipah sengseng a asil piehna bawm ahon leh asung ah bangma khat zong a um tasih a, apa alungthahta semsem a, apa in nang mimaw, mikhat silpieh na pieh lezong asung a bang ahei khat koi ding chi theilou ih? Bang ding a kengdap koina bawmhawm khat nangpieh talawm e? Chiin ahousie nalai hi. Tuabep in atanu mittui luongkawmkawm in “Pa aw, silpieh ding dang kalei zoulou

jieh ahia, sum-le-pai a lejoulou asung dimset a kang thundim ahia, kang hepina biengtawp kang mutdim ahi, Pa?” achi hi.

Tuamin apan, atanu a ngawngkawi a, khupdin pum in atanu akawi a numeng aw! Ka theisiemlou jieh ahibou a, tu in vang ka theisiemta a, hing ngaidam in, chin ngaidam angen hi. Khristmas jou hun sawtlou nuo in atanu vangsiet huoitah in tuohsie in ashita a, tuamin apan, atanu hepina kidangtah khu angaisut a, amit-hitui guosiengkie mabang in akie in akap huthut tamai hi. A tanu shinuo in silpieh bawm khu alupna hung ah akoi a, a damsung sie in alakhie ut tasih hi. Lungkhamna leh lunghelna hasatna leh lunggimna anei chiengin silpieh bawm khu hongjel in asung a en jeljel a, a hinkhuo pumpi ah khamuonna in aneita hi.

Nupa ki-itt mama khat silpieh aki petuo ut ua, hinanleh silpieh vanleina ding sum-le-pai neilou tuoh ana hi uhi. Ni khat sum neilou in bazaar ava kaikhawm ua, a pasal in kaji van dei ding bang ade aw! chia alunggel alai

in aji in samkil kijuona dawr khat a lut in samkil khat ala a, a en a hinanleh sum aneilou jieh in anuokoita hi.

Apei jellai un nai (ghori) kijuona dawr khat ah alut ua, a pasal in nai buna gui khat a en a, sum neilou ahijiehin anuokoita hi. Khumbep in anupa un avan dei uh aki theituota ua, hinanleh sum nei zawsang a umlou jieh un a inn lam uah anuopei kiata uhi. Khumbep in a pasal in samkil nal mama khat lei asawmta a, a ghoru khu apan ashi ding kuon a atapa nuosie ‘gou’ ahia, a ghoru khau zong alui sengseng gawpta hi.

Aji in zong apasal Khristmas silpieh a apieh ding khu angaituotuo leh ghoru gui naltah khat leisah ding in alunggelta a, hinanleh sum muna ding atheisih hi. Tualeh Khristmas hing tung ding mama ahita jiehin kitheituolou kei in bazar khattuoh ah apei ua, nitahlam in apasal innlam ah kipahtah in apei a inn atuntun chieng a aji sam phapi kilsah dingdan a ngaituotuo a, aji pen natungman ahi jiehin apasal tunkal ana ngahla mama a, a pasal nai buna gui heh pieh

ding in ngahlatah in ana um hi. A pasal ang tunphet in aji samkilsah ding achi leh aji samphapi ana kiheumaita a, samkil a akil angai nawn tasih hi. Aji in zong apasal naibunna gui khu henpieh ding achileh apasal khut tung ah nai abut nawn tasih hi.

Bangchi dan ata diei? “A pasal in aji samkil leina ding a a itt mama a ghoris neisun ajuo ahia, aji in zong a pasal naigui leina ding a asam atanmai a, ajuo ahia, a sillei uh khu amawhna asuohta hi. Hinanleh tami kum khu amau nupa a ding in ki-ittuona Khristmas kum leh kitheichienna kum hita hi”. Pasian in ang itt sengseng jie in a tapa tangkhat neisun ang piehna khu amaute nupa a ding a manghilthei guollou ding Khristmas ang hita hi. “Laa a sah chimtheilou leh thu a zong genchim theilou a tapa angpieh khu ahi”.

Pastor khat Khristmas Sermon ding a akigin leh gen ding zong theilou in alungkham seng a thum leh a imu denkha a, kidangtah in mang anei a, amang in Jesu pien louna khovel ah ana teng a a-umna lah a ngaingaima ahia,

athugen chieng a asim ding Bible taang asuisui leh a Bible simpen ah Thuhun tha um khalou Malaki laibu tan ah abeita hi.

Lungkham sengseng a, Khristmas inn jepnate a etkawi vang in a um nawn tasih a, Khristmas singkung (Christmas tree) kilawm tah a zepnate uleh Khristmas Card te zong ana um nawnsih a, lungkham sengseng in ataikhie a, Biehinn a na lut mai ding achi lezong a Biehinn leh Kross lim kilawm tahtahte zong khatbeh ana um nawn tasih hi.

Lungkham sengseng a aka leh akhanglou a, khuo ang theita a, tuana athawmgin jah masah pen khu a Biehinn ua khanglai laa jiltan, “Vannuoi nuom un, Mangpa hingpei” chi laa kilawmtah in ahing saa ua, ama zong kipah sengseng in a “piengta apiengta, apiengta”, chin akikouta hi. Jesu Khrist ana pienglou nahi taleh chi thu agen a, mipi sangtampiten guoljawlna ana dawngta uhi. Unau, Jesu Khrist ana pienglou nahitaleh vannuoi khu kidang mama va-maw! Jesu jal a itan uh thupi hina lawmlawm emaw! “Kumtawn hinna ang pie a, hinna

tha ang pie a, thumanna ang pieh a, itan toh a lungkimna ang pie a, tunuo chieng a iki nepna ding zong ang pie a, i indet ding uh Vankhopi hingchiem nalai in, eite la ding a hing peikia ding hinalai vaset”.

Unau Jesu hing pienna hinna angkhohi kha in naki thei ei? Ki lamdanna bangma nanei tuom sihleh vang mi vangsie tawp nahi

ding a, koima na ngawtheilou, nangma deitelna ahia, ki ngaisut pha in.

Tua na dinmun khu nadei sihleh Khristmas Jesu khu Mang leh Hundampa ding in kipom meng in, tuachiin Aman sil lamdang pipi ang suh lamdang sah ding hi. Khristmas chibai kang buh chi thei dingin Mangpa’n hing guoljawlta hen!

Belampute thuzah

HUNDAMPA HING PIENGTA

- Upa P. Khamminpau
S. Vengnuam, ZPCS.

A ziehpan tu nin nou a ding in David khuo ah Hundampa apiengta ama Khrist Mangpa ahi. Luk 2:11 pansanin houlimkhawm lei ichi uhi. Pei jel in mualkhum zel hun leh nite kum leh ha hing kiheijel in noplaineite lenmuol khum jel in kumbul leh habul a i umlai in hasawm leh ha khat na tan chieng tan ma hingpui tung pa i Bieh Mangpan thupina tang hen.

Mihing hina dol a chinlouna leh gelkhiel leh sutkhiel a um leh simtu ten Pasian min in hingngai dam dingin na ngaidamna uh ka hing ngen masa hi. Awle unaute atung a ithupi a itangtel uh, Belamputen thuza chi ahi.

Belampute umdan leh gamtatdan saulou houlimkhawm vai.

1. Belampute dinmun ahileh laisiemlou leh mimawl mamate ahi uhi. Koima umna zong phoh phaban lou leh

mite thei phahlou zong ana hi uhi. Mihausa leh Ji leh ta vah in gamnuoi a azu leh hamsate thuoh in khosa in a um zing uhi. Sun leh zan umlou in Belamte chingden in thuthah thu lamdang um leh zong zaphalou in moltah in hinkhuo amang den kei uhi.

2. Belamputen thu zah khat nei uhi. Tua athuzah uh ahileh Jesu Khrist hing pien ding thu ana za masa uhi. Tuachin Manpa Vansawlsieng in akung uah zaousih unlen ngai un michin a dingin thuhoi mama kahing puoh hi. (Luk. 2:10 chi hi. Ajawng ahau a teh akhang aneu alien apil asiem a mawl leh namchin chichin a ding in thuhoi ka hing puoh chi thupen Belampute zahsah leh theisah in um hi.
3. Mimawl leh mi dinmun ngiemte leh mite theiphah loute, thuzah uh thuna mai hilou hi. Belamputen abelam chinna uah bangzatah in gim leh tawl hahsatna tampi nathuoh de aw chi ang ngaituosah hi. Belampute

din hi ama ang sung ding kia himailou in a changchieng in a belamte a etkol ding thamlou in aganta neitu apupa mai zong avil ngai hi. Sukhiel in bawlkhiel in um lou louna khat neita uleh apupan athaman zong pelou nalai ding hi. Tua ahimanin hattuom sung ah chingtu leh kemtu hinajal in bang thu iza in bang thu imudoh uoi chi ngaitua huoi hi.

4. Vansawltah in Belampute theisiemna ding in ahem gen sih a atheisiem na ding in chiengtah in Bethlehem ahidan agen hi. Belamputen tu in Bethlehem khuo ah vapei vai in Mangpan thu ahing hil hingtung khu iva en ding uh akichi uhi (Luk 2:15).
5. Belamputen athuzah uh khuo zuon uh Belamputen a thuzah uh um na a zot na dingin khovel sil bangma in kisubuoilou kei in apei vengveng uhi. Unaute aw tamnah Belampute ginumdan leh kukal dan ettontah kasa hi. Khovel ah muthei leh etnop tampite leh ei hing

subuoi thei etlahna lungsim
ngaituona te nuasie ding ipai
ding tampi um hi.

6. Simon Johan tapa tamte sang
in kei nang it zaw ei achi hi
ing e Mangpan kang it chi na
thei hi achi Ka belamte ching
in achi hi (Johan 21:16).
I Mangpa Jesu leh Simon
kihouna thu ah Simon tamte
sang in kei nang it zaw ei achi
hi khovel ah i duh leh i ngai
Jesu sang a itel ding sum leh
pai hausatna neh leh don Jesu
sang a itel zaw ding tampi um
hi. Tua ahiman in tamte sang
in Simon Johan tapa nang
it zaw ei chi in ngaina tahin
houpi hi.

7. Belam tanchin saulou sut zuol
ni

1. Belamte pui ngai
2. Kep ngai
3. Vah ngai
4. Chin ngai

Ka belamte ching in len kem in
len vah in bang chikep ding chi
apupan sun leh zan in abelamte
ding in a manding in apoimaw
bang e chi ngaisut sut mai hi.
Ann hoina mun ah vah sahngai
a, tua leh tuitamna mun a zong

puijel angai. Aman loudawn
dipdepna munte ah, kei ahing
lumsah a tui veisip dide gei
ah ahing puijel hi Late 23:2
ana chi. Zou Synod huongsung
ah ;Upate leh Pastorte Session
vaihawmna ah thudih leh thutah
in vai ihawm na uoi, sangkhat
sangni pou in minsia kizuoh leh
kilei chite leh Sihnei leh langnei
na lungsim nei nonlou in thutah
in vaihawmta ni hang. Belampute
khosahdan leh dinmun igenta ua
mite theiphahlou leh mawltah
mai ahinkhuo zang a a umlai un
thakhat in Pasian thupina in akim
uh atanvah a zausih un chi thu a
japai uhi (Luk. 2:9. Mihing in
chitna leh theina neilou ihiman
in leh mi nammawlte leh nam
tuontuol ihilai man in Pasian gam
vaihawmna leh Pasian gam nna
isiepnate leh Pasian lungtunna leh
Jesu mittuhna nei in chia Hebrew
12:3 na in achi mangbang leh
ginumtah in na sem in kalsuon
talei ichi uhi. Lemna mang ahing
piengta ahiman in ihoilouna leh
ichitlounate tungtawn in Pasian
toh kilem in kalsuon in vaihawmta
vai Hattuumte leh pawlpite tung
a vaihawm leh enkoltute ihiman
un i etkol te tung ah bangthu iza

in bang thu imu khia ei mite ding in kipahna ihina uoi ama a va mutah in, tam naungehtung tang thu ama uh kihilkhu agenthang ta uhi Luk 2:17 ah na chi hi ithuzah leh imu te mite ding in neh thei leh mite ding a kipahna, mite ding in suotatna, mutheiloute ding a mutheina zatheiloute ding a zahna tuntute ihi uh angai ta hi. Mite thuzah leh mite thumudan leh mipolte khandan leh miten sum leh pai a haudan leh ei sum a gen tam nalai ihichieng in i thuzahthe leh ithuzilte uh mite nehthei ding leh mite thei tham ding in thuzil tuten panlatha vau.

Thukhumsin: Ngaivawi Mangpa Pasian in nite hing tung ding ahita, gam sung ah kielna ka tungsah ding andu a kielna zong hilou in tuidu a kielna zong hilou in hinanleh Mangpa thu zahna lunggulna lam a kielna ahiding hi guolnei Amos 8:11 ah ana chi Pasian thu a kielna pen i zou sung ah tung petma hi unau kingaitua ni. Guolnei Amos thumudan ah Pasian in Israelte mite tungah thukhenna ahilou leh gotna

tungsah ding kahi ana chi hi. Ama akikou khia a vaihawmna dih khu luita bang in luong heh Israelte thumanlou leh khelna ziehin Pasian vaihawmna leh gotna ding a mumasa hi. Amos tanchin hi itheisa mabang un ganchingmi khat zong ahi chi ithei hi. Pasian lungtunlouna pawlpi ihi khah uleh i pawlsung a kiel tung thei talua ahi chi manghil sih vai. Amos in thu dih a vaihawm a ang tangkou chieng in Israeltate a suohta un sun te Mangpan alungsiet pan hi tuachi mabang in eizong Upate leh Pastorte thudih thutah tah vaihawm a thumna toh pan ilah sih leh i mi, isate suohta zoulou ding uhi. Upate Pastorte thumzong thum peinon lou Devotion zong kipei ngap nonlou Bible zong sim pei non lou T.V en-en mai News paper toh buoipi maita biehpiehna ding zong ngaisah zounon lou kihita mai hi unau kingaitua in kisiemtha ta in Khristmas zangnop chiet ding in Pasian in simtute zousie thupha hing pia in hing guoljawlta hen, Amen.

NA MOU LEH NA TANU

Ruth Messenger Sept.-Oct. 2018 issue apat lahsawn.

- @ Na tanu in a pasalte inn sunga nuom asah leh na kipahpi mama a, hinanleh nang ma innsung ah na mou nu'n nuom angsah sim chieng na lungkim zou sih hi.
- @ Na mahpa in a zi (natanu) nasep apanpi chiengin thupi nasa a, na kipah a, hinanleh na tapa in azi (namounu) apanpi chieng in “zi zaupa” na chi leuleu hi.
- @ Na tanu in damlouna neukhat anei leh na patau gawp a, na mounu adamlou chiengin “athada man a abawltawm hi” na chi nuom leuleu zel a,
- @ Na tanu zawngkhal pien sim a aum chiengin, apasal innkote (apasal innkuonpi) teng na mawsa nuom a, hinanleh na mounu neukhat ang zawnkhal pien sim leh ann neh maimai, ‘ nasempeilou’ na chi leuleu hi.
- @ Na tanu in a innsung (pasal inn) ah nasem pielpuol leh, na lungnuom lou zel hinapi'n na mou nu'n, tawlnga manlou zen a na aseplai in zong na hawmthaw zawsop hi.
- @ Na tanu in anu leh pa (apasal nu leh pa) leh a pasal sanggamte nasep ding asepsahna mu chiengin na thangpai vanuoh thei hi. Ahivangin, nang innkuon huop sung a nih leh puon leh innsung nasep ding poumate na mounu chau in a sep ding na lunggel leuleu hi.
- @ Na tanu pen a pasal lamte'n neu noukhat bang gense leh, na zada mama a, hinanleh na mounu na gensiet hun chiengin ‘ka chi ding ma hi’ ka mou hi, nachi zel hi.
- @ Na tanu tunga kibawl ding na dei bangbang in, na mounu tungah bawlpai in aw. Nasep bangbang hing kilekia pai ding hi!
- @ Na tanu in a innkuonpi teng nousie in, midangte innkuon sung akal ava suon mabang in, na mounu'n tuabang in kalsuon pai ding hi.
- @ Ei leh ei ma thukhuol, ngaisut siem dih isah mama vang midangte lah ah sawt i um zou sih leh ahepi huoi mamate hihai..!

NGAITUO VAWI TA...!

Ruth Messenger Sept.-Oct. 2018 issue apat lahsawn.

Na shinuo sawtlou in haan ah ang vui ding ua, bang chi'n na sapum ang um diei le...?

1. Ni 3 nung in: Na khutchin leh na keng chin hing kekhepan van
2. Ni 4 nung in: na sam hing pul van
3. Ni 5 nung in: na huoh ang tuisuoh panpan van.
4. Ni 6 nung in: na gilsung leh pumpi, nakam lam ah atui in hing pawt van.
5. Ni 60 nung in: na tahsate nagu toh ang kikhen tading ua, athuh (acidic) asuoh siengta ding hi.

Khum banga na um hun chiengin, na tahsa uiseng ziehin gamsate nasan in ang nai utsih ding uhi: Khum hun chieng in pen melhoi, leh melsie, pienhoi leh hoilou, samsau leh samtom/samkil, vom leh ngou, genthei leh hausa, thau leh jawan, Officer leh laisiemloute ittuom ding um nonlou in kibang siengta ding uhi. Bi-inn leh pucca building a teengte mun ding kibang suoh in, hankhuh miel ngem ngom hithou thou van, itan ding uh kibang chietta ding hi. Mihingte tawpna tambang lel higiap ta ding ahiman in, na damlai pet in tam anei a dohnate hing dawng vawile...!

- * Bangzieh ahei kisathei mama a na um a, na kiletsah seng gige?
- * Bang ziehma a, duh am leh ang makhuol a um a, nang satan lou ding pi na lah zel gige?
- * Bang zieha mahni masiel taha genthei leh chimawte panpi utlou a huoiham taha na khosah gige?
- * Bang zieh a mi dangte simmaw a, musitna lungtang hoilou na puoh gige?
- * Bang zieha mite, sanga tung nung zaw a naki koi a, mi tunga leeng banga kikoi sanga, na ki ngaithupi mama?
- * Bang zieh a tomkhat dam ding mai, ang ma siela nangma, nopsahna ding mai nasui sui e?

Leitung a tomkhat khosa chiet ding mai ihmam un, kisathei sih vai, aum den ding bangkhop kisa thei seng sih vai. Midangte zong khuol sam vai. Midangte toh teengkawm ihi dungzui un amaute adin hinkhuo khawldam sahtu leh nuomsahtu hi itup ban ah, midangte adia guoljawlna hi itum chiet zaw ding uh. I sietgop nung tanphah un zong ahoilam thei gige ihi theina ding in, i damsung hunte zahsawm chiet vaui aw.

ZPWF Column

**23rd October to 22nd November, 2018 sunga Tunnu Limbel
panpina pete:**

1. PWF Sugnu Anntang tang	Rs. 1,270
2. Nu Chingngaikim, Zomi Colony	Rs. 1,000
3. PWF Tuivai District tuohkhawm	Rs. 390
4. Suolam District tuohkhawm	Rs. 630
5. Nh. Lalsiemthar, Lailamveng (1st pay half)	Rs. 20,000
6. Upa Goumang, Central Church	Rs. 500
7. Nu Chingneikim, Central Church	Rs. 500
8. Nu Dimneiching, Central Church	Rs. 1,000
9. Nu Nousuanching, Central Church	Rs. 500
10. PWF Delhi	Rs. 5,000
11. Chiindeiniang, Belpuan	Rs. 100
12. MGP Khawmpi tuohkhawm	Rs. 3,891
13. Pi Niangpi w/o Hausuanthang Zomi Colony	Rs. 2,000
14. PWF S. Vengnuam	Rs. 1,005
15. Nu Vungnou, Thingkangphai	Rs. 500
16. Pa Khaimeng, Moreh II MGP	Rs. 1,000
17. Nu Nian en niang, Moreh II MGP	Rs. 500
18. PWF Moreh II MGP Anntang tang	Rs. 2,000
19. Nu Mannianching, Lailamveng	Rs. 500
20. Lamsanglian, Maukot	Rs. 50
21. Pa Kamkhogin, Central Church	Rs. 200
22. PWF Gunpang District tuohkhawm	Rs. 585
23. PWF Lentang District tuohkhawm	Rs. 1,533
24. PWF Central District tuohkhawm	Rs. 5,126
25. PWF Tuibuang Anntang	Kg. 94
26. Zomi Colony Bible Church te apat puonna lum	Pcs. 25

LCC Muollum (September & October, 2018)

1. Rev. Dr. Hangpi Manlun	Rs.	160
2. Upa Zamthang	Rs.	150
3. Pa Suanpau	Rs.	50
4. Sye David kap	Rs.	90
5. Pa Tongminthang	Rs.	20
6. Pa Khaihau	Rs.	10
7. Pa Elbee	Rs.	130
8. Pa P. David Zou	Rs.	100
9. Pa Nehkhantong	Rs.	20
10. Pa Khamminlien	Rs.	30
11. Pa Hangthang	Rs.	20
12. Pa Khenmang	Rs.	10
13. Tv. Hangmuonlien	Rs.	40
14. Pa Min Zou	Rs.	70
15. Tv. Mangboi	Rs.	80
16. Pi Vungzanem	Rs.	10
17. Pi Vielvung	Rs.	20
18. Nu Chinghat	Rs.	60
19. Nu Manneilam	Rs.	20
20. Nu Chinlamching	Rs.	10
21. Nu Hahat	Rs.	10
22. Nu Nuomhoikim	Rs.	30
23. Nu Vungnuamching	Rs.	20
24. Nu Kimneiching	Rs.	20
25. Nu Zouching	Rs.	30
26. Nu Boivung	Rs.	50
27. Pi Dimkhannel	Rs.	20
28. Nu Suonnieng	Rs.	100
29. Nu Nemneivung	Rs.	20
30. Nu Vungsuanching	Rs.	10
31. Nu Dimhoiching	Rs.	20
32. Nu Vunghaulian	Rs.	750
33. Nu Niengsienching	Rs.	60
34. Nu Niangngaiching	Rs.	40
35. Nu Nuomkhanngai	Rs.	20
36. Nu Haunu	Rs.	40
37. Nu Ngaiching	Rs.	40
38. Nu Vungtum	Rs.	10
39. Nh. Chingdei	Rs.	55
Total	Rs.	2,445

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. (L) Upa Liansuanpau	6. Pu Khamchinthang	7. Pu S. Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkthothang	12. Upa Dr. M. Lachinkhai
13. Upa Khamchinjam	14. (L) Upa D.K. Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. V. Vungzalian	20. Rev. Retd. Kamkhosoi
21. Rev. Retd. Tualzachin	22. Rev. (Retd.) H. Nengzaton	23. Rev. Awnkhanthup	24. Rev. Dr. Hangpi Manlun Zou
25. (L) Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkthothawng
29. Upa Khaichinmang	30. Rev. Stephen Chinzathang	31. Pu Khupkhanmang	32. Pu Khaidohlian
33. (L) Hav. Khamzahang	34. Pi Vungzanuam	35. Pu T. Gouzadou	36. Upa Liensuonkap
37. Pi Zelkhoiinn	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhoniam	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiinn	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhozam
77. Upa (L) Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkhohling
93. Pu Hauliankap	94. Pi Chinnu	95. (L) Upa Ngulzakhai	96. (L) Upa T. Gougin
97. Pu Ginsuanhau	98. Upa (L) Langminthang	99. (L) Rev. David K. Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taithul	104. Pu Kamkhankap
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppaa	114. Rev. (L) Mangsuanthang	115. (L) Pu Lamchinhau	116. Upa Pauchinlel
117. Nu Kimneihoi	118. Upa Kamgenpau	119. Nh. Niangsuannuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuanthup	132. Upa M. Kamzadou
133. Pu Jamkholian Munluo	134. Pu Sianzakhai	135. Upa Thangginsuan	

LIFE MEMBER-TE

01. Upa (L) T. Khupkhenpau	02. (L) Pu M. Ginzahau	03. (L) Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngainuom
07. Pu Chinsuanthang	08. Upa Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	18. Upa P. Doukholun

Undelivered

Please return to:

The Editor

KHRIPTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a,
